


11
1774
4



邢生邢生盜無糧不居北郭亦東莊折鐙敗席家風在白寫

奇書資野航

邢暈用理

邢參鹿文

黃省曾貧士傳邢暈字用理吳郡人也敝屋三間青苔滿

壁室中惟左右古書薪水射自秉執贊曰邢叟好古經細

史究室乏御令身勞并曰晨炊昏餐著麻寒覆問奇有來

如鐘在叩 姑蘇志用理隱居封門以醫卜自給折鐙敗

席蕭然如野僧其學無所不通室中臥榻之外皆藏書手

自校定 列朝詩傳邢參字麗文教授鄉里以著述自娛

遇雪累日囊無粟兀坐如枯株人往視之見其無慘懍色

方苦吟所得句自喜又連日雨復往視屋三角墊怡然執

書坐一角不爨亦累日矣其祖用禮遺叱鼠賦人謂麗文



1774
4

君無益益之糧正不必效乃祖作賦也昌熾案乾隆蘇州府志謂麗文量之族孫未知孰是常熟瞿氏藏太元集注宋鈔本有葑溪那參題字則參所居猶是用理葑門老屋矣 靜志居詩話明初高季迪有北郭十友麗文亦有東莊十友吳燿次明文徵明徵仲吳奕嗣業蔡羽九達錢同愛孔周陳淳道復湯珍子重王守履約王寵履吉張靈孟晉故其詩云昔賢重北郭吾輩重東莊 讀書敏求記韻語陽秋二十卷丹陽葛立方撰朱性甫借得此書宋槧本邢麗文命工摹寫二部舉其一贈性甫朱守中又從性甫借歸宏治癸亥金成性又錄成此本守中為題其卷尾三君皆衡山好友安貧樂志吳中雅士也

一月何能付棗梨新城調語太無稽館甥亦有驚人秘紙是

澄心墨是奚

王文恪整 子延芾子貞 徐文敏籍

明史本傳鑿字濟之吳縣人成化乙未進士第三授編修累官至大學士卒贈太傅諡文恪 池北偶談明尚寶少卿王延喆文恪少子也其母張氏壽甯侯鶴齡之妹昭聖皇后同產延喆少以椒房入宮中性豪侈一日有持宋槧史記求鬻者索價三百金延喆給其人曰姑留此一月後可來取直乃鳩工就宋本摹刻甫一月而畢其人如期至給之曰以原書還汝其人不辨真贋持去既而復來曰此亦宋槧而紙差不如吾書豈誤邪延喆大笑告以故因取新雕本數十部散置堂上示之曰君意在獲三百金耳今

藏書二
如數予君且爲君書幻千萬億化身矣其人大喜過望今
所傳有震澤王氏摹刻印卽此本也 錢泰吉王刻史記
跋文恪後人有居海昌者假其家譜觀之延喆字子貞爲
文恪長子以蔭入官由中書舍人擢太常寺右寺副出爲
兗州府推官謝病歸子有壬爲尙寶寺丞贈如其官故王
氏稱子貞爲尙寶公今觀跋尾述文恪語謂吳中刻左傳
郢中刻國語閩中刻漢書而史記尙未版行延喆因取舊
藏宋刊重加校讎翻刻於家塾則宋本爲文恪舊藏又言
始於嘉靖乙酉臘月迄丁亥之三月則亦非一月而成子
貞早歲豪放世傳其佚事漁洋遂筆之於書如謂延喆爲
尙寶少卿文恪少子亦攷之未審也昌熾案邵寶撰文恪

墓志銘子男四長延喆中書舍人次延素南京中軍都督
府都事次延陵郡諸生次延昭 七十二峯足徵集王延
陵字子永號少溪文恪季子以父蔭爲中書舍人希心風
雅早歲與皇甫子循張幼子輩結社有春社編王中舍集
明詩綜小傳徐縉字子容吳縣人弘治己丑進士歷官
吏部左侍郎諡文敏 士禮居題跋記書苑菁華二十卷
末有徐玄佐跋謂其先文敏公所遺文敏王文恪之婿西
洞庭人昌熾案今林屋徐氏猶聚族而處亡友徐君敦仁
號愛杉丙子優貢官江西知縣所居東宅河頭老屋卽文
敏舊第 天祿琳琅文選王世貞跋云此本繕刻極精紙
用澄心堂墨用奚氏往見於同年朱太史家云得之徐太

宰又張鳳翼跋云予嘗見於徐文敏嗣君架上云是文敏所鍾愛以貽其後之人者紙墨精好神采煥發且有趙文敏手識則知此書嘗入松雪齋中夫前後相去三百年去一文敏復歸一文敏豈有夙緣邪 又云玉臺新詠密行細字清朗照人明王鏊藏本有濟之印又有御題文學侍從印御書渭北春天樹江東日暮雲何時一樽酒重與細論文二十字印又明刻六子全書有吳趨橢圓印三槐之裔大宗伯章方印 妮古錄思陵草書一卷有王濟之圖書及三槐堂印 紅豆樹館書畫記沈度書寶積圖文恪跋有震澤世家印 容春堂集文恪序引首用顏樂堂印望洋欲叩草堂門襟帶江湖亦水邨汎汎瓜皮尖艇子田田

荷葉舊裝痕

徐源仲山

徐澄季止

陸完全脚

王文恪通議大夫都察院右副都御史徐公墓志銘公諱源字仲山成化乙未進士當官涖政未嘗一日去書不觀文章博雅書有米家父子風 又襟帶江湖樓詩爲仲山都憲作三江東去五湖西特起高樓枕碧溪桐里波光天外小洞庭山色雨中迷 李東陽瓜涇集序公世居蘇之長洲卜築於瓜涇之上因地爲號別號椒園道人 吳文定望洋書堂記徐君季止鄉校士之良者家夾浦之南瓜涇之上而松江陳湖皆在其目睫閒蓋將聚書數千卷築室而藏之因題曰望洋書堂昌熾案徐氏家譜季止名澄弘治元年科貢江西南昌府經歷少有文行王文恪送徐

季止還南雍詩云君家兄弟世所稀文采風流仍孝友蓋
實錄也 吹網錄避暑錄話瓜涇徐氏荷葉裝舊鈔本與
禾中項氏藏陳仲醇手鈔本互有詳略 天祿琳琅續編
宋刻史記有水邨陸氏珍玩朱記陸完字全卿號水邨長
洲人成化丁未進士官吏部尙書 又隆平集有水邨校
藏珍玩朱記 又諸臣奏議有水邨陸氏珍藏朱記

夔婦蓬頭穉子嗚可憐斷爛到籤題逢人願解奚囊贈莫使
飄零歎墜臍 楊循吉君謙 劉昌欽謨

明史楊循吉字君謙成化二十年進士授禮部主事善病
好讀書每得意手足蹕掉不自禁用是得顛主事名 列
朝詩傳君謙善病致仕年才三十有一居家好蓄書聞某

所有異本必購求繕寫結廬支硎山下課讀經史以松枝
爲簞不精熟不止多至千卷卒年八十九其詩文爲松簞
堂集 澹生堂藏書訓略聞楊儀部君謙性最嗜書家本
素封以購書故晚歲赤貧所藏書十餘萬卷纂其異聞爲
奚囊手鏡 人海記楊循吉既老散書與親故云令蕩子
孀婦無復著手亦一道也 靜志居詩話君謙好蓄異書
孜孜不及題書廚詩吾家本市人南濠居百年自我始爲
士家無一簡編辛勤二十載購求心頗專小者雖未備大
者亦略全經史及子集一一義貫穿當怒讀則喜當病讀
則痊恃此用爲命縱橫堆滿前當時作書者非聖亦大賢
豈待開卷看撫弄亦欣然奈何家人愚心惟財貨先墜地

不肯拾斷爛無與憐朋友有讀者悉當相奉捐勝付不肖
子持去將鬻錢又鈔書詩云沉疾已在躬嗜書猶不廢每
聞有奇籍多方必羅致手錄兼買人恆輟衣食費往來繞
案行點畫勞指視成編亦艱難把玩自珍貴家人怪我癖
既官安用是自知身有病不作長久計偏好固莫捐聊以
從我意是時吳中藏書家多以祕冊相尙若朱性甫吳原
博閻秀卿都元敬輩皆手自鈔錄今尙有流傳者實君謙
倡之也 鐵琴銅劍樓書目元氏長慶集有楊循吉跋曰
宏治元年從葑門陸進士七脩借得宋本元氏集命筆生
徐宗器模錄藏於雁蕩村舍之臥讀齋中永爲珍翫且又
借得白氏集亦方在錄可謂聯珠並秀台壁同輝矣 式

古堂書畫攷趙子固梅竹譜卷循吉跋後有雁村居士印
吳寬跋劉參政與楊君謙手簡劉公欽謨博學多聞所蓄
書與崑山葉文莊公等觀此小簡與楊儀曹君謙託以購
書者意甚懇懇可見矣君謙於公爲甥 乾隆蘇州府志
劉昌字欽謨正統九年鄉試第一明年會試第二歷廣東
左參政

風雨羣騶徑叩門讀書燈未滅深昏都生竟爲郎潛誤白髮
愁添種種痕 都穆玄敬

列朝詩傳都穆字玄敬吳縣人弘治進士官太僕少卿嘗
奉使至秦中訪其山川形勢故宮遺壤作西使記授訪金
石遺文作金薤琳瑯歸老之日齋居蕭索日事探討或至

乏食輒笑曰天壤間當不令都生餓死吳門有娶婦者夜
風雨大至滅燭徧乞火無應者雜然曰南濠都少卿家有
讀書燈在叩其門果得火其老而好學如此 文嘉何水
部集跋楊祝都唐每得一異書則爭相誇示以爲樂故其
所成皆卓然名世今異書間出而學者視之漠然前輩不
可及也 邊華泉集送都玄敬詩才高憐晚達十載尙爲
郎書買黃金盡愁添白髮長夏曹分武庫秋殿別文昌木
脫霜皋冷何人共采芳 式古堂書畫攷周東村滿目雲
山圖都穆題詩有乙卯舉人已未進士一印

海鶴詩中萬卷堂曬書儼類麥登場不關沈水都梁味二十
廚中別有香 邵文莊寶

無錫縣志邵寶字國賢別字泉齋亦曰二泉成化二十年
進士戶部侍郎兼左僉都御史卒贈太子少保諡文莊
又文莊第有容春精舍皮藏書萬卷其中 文莊勿藥集
復喬司馬精舍狀精舍在無錫城東南隅冉涇之上即吾
七世祖元處士容春府君舊居也扁曰容春精舍未幾別
建於西門之扁曰二泉精舍中堂三間仍扁曰容春前堂
五間中爲廚二十度古今書籍萬餘卷扁曰泉齋 又容
春堂續集曬書二首其一云連日曬書如曬麥人間耕學
本來同 又偶聞書香詩少愛新書楮墨香不辭書價借
錢償坐來精舍還懷舊海鶴詩中萬卷堂注云予二十歲
時海鶴寓於家嘗題先世畫有萬卷一堂邀我共之句

天祿琳琅元本史記有錫山二泉邵氏家藏印 又玉篇
有二泉朱記 又三禮攷注吳澄撰明邵寶藏本有容春
堂錫山邵氏家藏朱記 又續編宋刻初學記葉文莊盛
菴竹堂藏書有文莊家學邵以成氏藏書之記二印昌熾
案二泉諡文莊以成當其後裔非崑山葉氏也又宋刻春
秋經傳集解有性命可輕至寶是重鐘式印又一橢方印
其文云顏氏家訓曰借人冊籍皆須愛護先有缺壞就爲
補治此亦士大夫百行之一也其餘藏印三家曰金華宋
氏景濂曰二泉邵寶曰汪北樓鑒賞印前一印具見愛書
苦心未知出於誰氏附記於此姚舜咨亦有顏氏家訓一
印與此小異 楹書隅錄北宋本王摩詰集每卷有二泉

主人聽松風處印

菑蔽何如打馬圖可憐一喝未成盧空爲子子孫孫計已共
名園付博徒 王獻臣敬止

蘇州府志王獻臣字敬止以錦衣衛籍舉宏治六年進士
授行人擢御史巡大同邊嘗令部卒導從游山爲東廠緝
事者所發謫上杭丞再謫廣東驛丞武宗立遷永嘉知縣
量移高州通判致仕 又拙政園在婁齊二門之間嘉靖
中王御史獻臣因大弘寺廢地營別墅其子以構蒲一擲
失之歸里中徐氏 平津館鑒藏書籍記經籍攷有吳門
王獻臣家藏書印詩禮傳家王氏圖書子子孫孫永寶之
虞性堂書畫印四朱記 昌熾案潘文勤師藏宋刻國語

補音亦王氏藏書圖記略同又有已丑父印臨頓書樓二
朱記

皋廡來觀覆瓿經尊壺中卷並充庭邢叅寂默張靈笑一醉
同登夢墨亭 唐寅子畏

乾隆蘇州府志唐寅字子畏一字伯虎晚皈心佛乘自號
六如築室桃花塢與客日般飲其中年五十四而卒 文
徵明飲子畏小樓詩君家在皋橋誼闡井市區何以掩市
聲充樓古今書左陳四五冊右傾三兩壺 梅花草堂筆
談高杏東先生得杜氏通典一部唐子畏所校也子畏每
夜盡一卷用朱黃識其旁卷盡輒寫山水人禽竹木其端
或書小詩或括前意爲一二語或紀日月誠一時佳玩也

讀書敏求記成元英疏莊子二十卷南京解元唐寅藏
書北宋槧本之極佳者 又三辰通載南宋槧本有南京
解元唐寅印記竝題字 士禮居藏書題跋記新雕注解
瑤珠子三命消息賦三卷校正李燕陰陽三命二卷勝朝
登學圃堂 鐵琴銅劍樓書目大玄集注末有題識云弘
治乙卯臘月葑溪邢叅觀於皋橋唐伯虎家 天祿琳琅
宋版童溪王先生易傳公是先生七經小傳唐寅藏書皆
有唐伯虎印羣經音辨有唐伯虎夢墨亭二印班馬字類
有唐居士印 昌熾案余在湧喜齋見宋刻袁樞通鑑紀
事本末唐子畏藏書有南京解元印每卷後皆有子畏題
字一云蘇臺唐寅子畏甫學圃堂珍藏書籍一云晉昌唐

寅醉中讀一云唐子畏夢墨亭藏書一云吳郡唐寅桃花
庵中夢墨亭書其餘大致略同夢墨亭者子畏乞夢仙游
九鯉神夢惠之墨一擔因而作亭祝京兆有記湧幢小品
載其事又按式古堂書畫攷唐伯虎金昌暮烟圖有吳趨
圓印又青山讀書圖有夢墨亭六如居士印

不但君家悟言室玉蘭翠竹映籀籀即論天籟鈴山富鑒別
還聞借二承

文璧徵明 子彭壽承 嘉休承 孫元發子
惟 曾孫文盡震孟 從鼎定之 從簡彥可

乾隆蘇州府志文林字宗儒成化壬辰進士溫州知府

楊循吉溫州知府文公墓志銘子男三人奎璧室 明史

文徵明初名璧以字行更字徵仲別號衡山父林爲溫州
知府正德末巡撫李充嗣薦授翰林院待詔乞歸嘉靖三

十八年卒年九十矣長子彭字壽承次子嘉字休承 王

世貞吳中往哲傳彭號三橋善書以真授秀水訓導擢南

京國子助教卒年七十六嘉畫得待詔一體以貢授烏程

訓導擢和州學正乞歸卒年八十三 式古堂書畫考彭

號雁門嘉號文水文伯仁字德承號五峯又號葆生攝山

老農徵明姪昌熾案雁門乃文氏郡望非彭號也 讀書

敏求記項墨林每遇宋刻即邀文氏二承鑒別之故藏書

皆精妙絕倫 文嘉有嚴氏書畫記 鷗波漁話相傳衡

山初名璧因文信國子璧仕元不欲與同名故以字行然

證以其兄名奎及徵明之字俱與璧宿義近作璧爲是葉

晉卿祿藏衡山作海月圖署正德丁丑九月文璧其字从

土不從玉凌子與曰黃佐衡山墓志公孫五人元肇元發
彭出元輔元弼臺出元善嘉出臺先卒元發字子悱 明
史文震孟字文起徵明曾孫父衛輝同知元發震孟天啟
二年殿試第一授修撰歷官東閣大學士諡文肅弟震亨
字啟美中書舍人國亡發病死 國朝通諡節愍 天祿
琳琅續編戰國策元版長洲文氏藏 本書中墨蹤三處凡
例後楷書萬曆戊子七月望日手裝於願賢堂定之筆卷
五後八分書戊子八月一閱於心遠閣鈐印二文從鼎定
之卷十後八分書戊子十月惜陰齋漫閱鈐印一文從鼎
又楷書庚戌三月十八日悟言室閱過從鼎字定之萬曆
甲午舉人嘉之孫也 乾隆蘇州府志文從簡字彥可嘉

孫元善子郡諸生隱於寒山之麓子相字端文 又文揆
字賓日相子志尚高潔居停雲舊館終歲不出 朱彝尊
文與也墓志文點字與也震孟孫晚自號南雲山樵子赤
字周鳥 昌熾案文氏自明中葉迄於 國初文采風流
照映江左今彫竄盡矣文肅公墓在石湖旁猶憶十餘年
前欽韻珊地師爲余言湖畔有前明兆域規模宏敞鄉人
將謀鬻之他姓不知爲誰氏之隴意者其文肅墓乎屢欲
一訪謀所以封樹之而未得也郡中文氏子弟無應試者
零落至此良可悼歎余所見待詔藏書引首皆用江左二
字長方印或用竺塢印或用停雲圓印其餘藏印曰玉蘭
堂曰辛夷館曰翠竹齋曰梅華屋曰梅溪精舍又有煙條

館一印見天祿琳瑯明刻文選又有悟言室一印惟庚寅
吾以降一印臨池用之藏書不常見也又曰漁陽子曰清
白堂壽承印也曰歸來堂曰文水衛人曰肇錫余以嘉名
休承印也曰玄珠室曰五峯山人或曰五峯樵客德承印
也德承又有雙玉蘭堂一印亦見天祿琳瑯宋刻昌黎集
後以徵明有玉蘭堂故仿爲之曰三楚精神子悱印也曰
石經堂曰兩月平章文肅印也文肅故宅在郡城寶林寺
東有世綸堂圃曰藥圃中有青瑤嶼公讀書處見郡志
又按錢儀吉跋遺山詩集云前後有文嘉休承文彭文揆
賓日諸印又有玉蘭堂圖書記第四冊前葉有十二研齋
及東吳文獻衡山世家印 又按鐵琴銅劍樓書目資治

通鑑文氏藏本有題字云丁亥年九月玉磬山房閱又曰
萬曆丁酉十二月廿三日看畢清涼居士記又曰家中書
籍散亾此書幸存萬曆辛丑湘南老人記又曰此書祖父
手澤藏於石經堂震孟謹記考錢謙益列朝詩集小傳待
詔築室於舍東曰玉磬山房則第一跋爲衡山筆文肅父
爲子悱則清涼居士湘南老人皆其號也

靚室含醺坐碧梧彈棋握槊并呼盧卽非左馬班揚業亦作
囊中記事珠 錢同愛孔周

文徵明錢孔周墓誌銘君家本溫厚室廬靚深嘉木秀野
足以游適肆陳圖集時時招集奇勝滿座中酒壺列前棋
局旁臨握槊呼盧憑陵翔擲含醺賦詩邈然高寄不知古

人何如也 又云性喜蓄書每餅金懸購所積甚富諸經
子史之外山經地志稗官小說無所不有而亦無所不窺
尤喜左氏司馬班揚至所不喜雖世指以爲切要而君未
始一注目也 又云君自宏治辛酉至正德丙子凡六試
應天不售奇窮骯髒迄於不偶 又云君諱同愛字孔周
別號野亭其先江都人五世祖益避亂來吳遂爲長洲人
君子二人鶴徵竹徵生成化乙未卒嘉靖己酉年七十五
眉公筆記錢孔周喜蓄書遇有所得隨手劄記積數巨
帙文先生極重之寫贈碧梧高士圖 又妮古錄文選祝
京兆跋云余向蓄三五種亦皆舊刻此錢秀才本尤佳又
楊君謙跋孔周得此紙墨印刻精好倍余所藏豈非天緣

耶

突如焚如涕漣如何事斯文竟祝予華不注陽一憑弔舊時
月色上菴蘭 邊貢庭實

李廷相邊公神道碑公諱貢字庭實別號華泉其先淮陰
人也六世祖朝用元至正兵亂避地歷城華不注之陽公
弘治丙辰進士官南京戶部尙書癖於求書所蓄不啻數
萬卷子二長翼次習 列朝詩集小傳華泉弱冠舉進士
雅負才名美風姿諳吏事好交游天下豪俊久官留都優
閒無事游覽六代江山揮毫浮白夜以繼日王鑑爲掌憲
忌其名論去之癖於求書搜訪金石古文甚富一夕燬於
火仰天大哭曰嗟乎甚於喪我也病遂篤卒年五十七

華泉集雨後讀三國志詩菴蘭架底黃昏月且抱青芻學飯牛

尚書江左擅詞宗益祿何嘗非萬鐘三日於陵飢欲死驚書門塾署寒松

顧璘華玉 弟璵英玉

明史文苑傳顧璘字華玉吳縣人宏治丙辰進士南京刑部尚書 四庫提要浮湘集四卷山中集四卷憑几集五卷續集二卷息園存稿詩十四卷文九卷緩慟集一卷明顧璘撰史稱璘詩矩矱唐人以風調勝今觀其集遠挹晉安之波近騁信陽之乘在正嘉閒不失爲第二流之首也 列朝詩傳顧璵字英玉華玉之從父弟也歷官河南副使罷歸囊橐蕭然無以給昕夕臨街一小樓扁曰寒松訓

蒙童數人以自給嘗絕糧華玉餽以斗粟不受霍渭厓爲南宗伯以廢寺田百畝貲之堅拒不納 愛日精廬藏書志晏子春秋八卷吳方山藏書有手跋曰顧英玉先生南都清介丈夫也以憲副罷官家无長物出宦日所得書貨以給日用躬疊冊門左顏無愧色予重其所爲得二書嗚呼誦往哲之遺言法時賢之景行小子何幸於此兼得千頃堂書目簿錄類顧尚書書目六卷注云顧璘

蕭選今爲三館祕院詩舊未四言刪佳人不比書難得且學香山遣小蠻

朱承爵子儋

無聲詩史朱承爵字子儋號舜城漫士又號左庵江陰人文徵仲稱其爲文古雅有思致 讀書敏求記阮嗣宗詠

懷詩行世本惟五言八十首朱子儋取家藏舊本刊於存
餘堂多四言十三首覽者勿漫視之 士禮居題跋記魚
元機集宋本朱子儋藏子儋江陰人世傳有以愛妾換宋
刻漢書事其人亦好事之尤者 天祿琳琅宋刻文選有
朱印子儋存餘堂印二朱記 又續編羣經音辨有朱子
儋印行素齋圖書記左庵集瑞齋磐石山樵西舜城居士
各朱記 鐵琴銅劍樓書目離騷集傳末葉有舜城朱承
爵校讎訖一行卷首有舜城居士子儋朱記 式古堂書
畫攷張來儀懷友書畫合卷後有一行云嘉靖壬午存餘
堂重裝下鈐朱氏子儋左庵二朱記
蜀水京山天下秀滄江虹月本來多東游若欲尋雞次且挂

輕帆過曲阿

孫道靜景瞻
賀裳黃公

孫楨仲麟

孫育思和

賀煊

好古堂書畫記嘉靖時孫楨字仲牆號石雲丹陽人收藏
書畫古物最富攷据甚精 又云丹陽孫氏收藏書畫最
富嚴嵩得丹陽孫育畫二冊重題秘藏之見直廬橐 楹
書隅錄宋本史記廣漢張杆守桐川時用蜀小字本重雕
有孫育私印曲阿孫育南徐孫育思和印章孫思和圖籍
篆京山孫育七峰道人開皇山下人家碧山草堂北固山
第一峰諸印 又宋本元豐類稿有曲阿孫氏禹見珍玩
照庵曲水山房蜀山草堂拙訥隱者諸印 昌熾案詔宋
樓藏書志湖北提舉茶鹽司新刊前漢書一百二十卷有
題字云正德二年三月吉旦裝景瞻又一跋云余見宋版

漢史不下五六部未有若此之全者子孫其永保之正
德二年三月丹陽孫道靜重裝卷中有飛雲閣圓印景瞻
方印二跋同年同月又皆云重裝道靜景瞻定當爲一人
名字其人在正德中則前於仲牆育和諸孫莫先於此矣
禹見不可攷爾宋志又有蘆浦筆記十卷謝兆申錄於丹
陽賀進士煥家卽池北偶談所稱丹陽賀氏本也天祿
琳琅詩緝明趙府刊本有賀廣黃公藏書印載酒園詩話
賀裳字黃公丹陽人有少賤齋集

鷗波墨妙妙天下狼藉海東園濶多完好如新雙檜本鬼神
在在爲搗呵李文敏廷相

甲乙贖言劉玄子從朝鮮還言彼中書集多中國所無且

刻本精良無一字不倣趙文敏惜爲倭奴殘毀園濶之間
往往以書悃拭穢亦典籍一大厄也天祿琳琅前編新
刊詁訓唐昌黎先生集明李廷相藏本廷相字夢弼濮州
人巡撫順天提督紫荊關李瓚之子弘治壬戌進士第三
厯官南京戶部尚書諡文敏又歐陽文忠公文集字法
規倣鷗波元刊之精者明李廷相收藏又續編松雪齋
文集宋筠跋云先少師官豫章時所得爲濮陽李氏物集
中鐫字圓健宛然文敏手筆尤屬可愛有濮陽李廷相書
畫記印楹書隅錄元刊王狀元集注東坡詩咸豐辛亥
先公購於吳門每冊有濮陽李廷相雙檜堂書畫私印蓋
吾郡李文敏故物三百餘年展轉復歸吾郡楮墨猶完好

如新斯誠文字精英在在有鬼神呵護也 于頔堂書目
 簿錄類李蒲汀家藏書目二卷李廷相 式訓堂書畫攷
 李龍眠羅漢圖卷有濮陽李廷相家圖籍印又廷相子孝
 元跋後有松橋碧山道人洗心書舍太保尙書之嗣三印
 膠山樓觀印天下曲橋華薄蕩為煙徒聞海內珍遺槩得一
 珠船價廿千 安國民泰

無錫縣志安國字民泰富幾敵國居膠山因山治圃植叢
 桂於後岡延袤二里餘因自號桂坡好古書畫彝鼎購具
 書 又安紹芳字懋卿所居膠山西林廣池十頃帶以華
 薄蔚然深靚曲橋飛樓逶迤天矯雜置圖書彝鼎其中名
 士過從置酒刻燭至忘日夜 又西林膠山安氏園也嘉

靖中安桂坡穿池廣數百畝中為二山以擬金焦至國孫
 紹芳即故業大加丹雘與天下名士游賞其中二百年以
 來東南一名區也 無聲詩史紹芳自號研亭居士後更
 名泰來字未央 錢謙益跋高誘注戰國策天啓中二十
 千購之梁溪安氏不啻獲一珍珠船也 又跋春秋繁露
 金陵本譌舛得錫山安氏活字本校改數百字深以為快
 今見宋刻本知為錫山本之祖 天祿琳琅初學記版心
 上標安桂坡刊每卷標題之下又稱錫山安國校刊安國
 所刊書甚夥此書取九洲書屋本翻刻昌熾案安國所刊
 有顏魯公集熊朋來集吳中水利書 又史記有大明錫
 山桂坡安國民太氏書畫印 又元本博古圖有桂坡安

國賞鑑印 紅豆樹館書畫記徐幼文秋林草亭圖有安
字圓印錫山安氏西林祕玩印墨顛齋圖書印

白雁詩成試硯坳斷珪獯隨補神膠如何著錄開新例倉雅

軒岐一例包

陸文裕深
宋懋澄幼清

黃標良玉

施大經天卿

上海縣志陸深字子淵號儼山宏治十八年進士歷官詹
事卒贈禮部右侍郎謚文裕文章有名於時 松江府志
文裕子楫字思豫才思警敏有蒹葭堂稿 藤陰雜記錄
兩樓陸文裕舊邸在正陽宣武二門之間東曰素軒北曰
澹室中爲書窟 文裕江東藏書目錄序余家學時喜收
書然覩覩屑屑不能舉羣有也壯游兩都見載籍然限於
力不能舉羣聚也間有殘本不售者往往廉取之故余之

書多斷缺缺少者或手自補綴多者幸他日之偶完而未
可知也正德戊辰夏六月寓安福里宿痾新起命童出曝
既乃次第於寓樓數年之積與一時長老朋舊所遺歷歷
在目顧而樂焉余四方人也又虛放失是故錄而存之各
繫所得儻後益焉將以類續入是月六日史官江東陸深
識昌熾案文裕書目世無傳本此序見式古堂書畫攷其
箸錄之例十三經第一理性第二史第三古書第四諸子
第五文集第六詩集第七類書第八雜史第九諸志第十
韻詩第十一小學醫藥第十二雜流第十三以小學醫藥
合爲一類爲諸家所未有其言云不幼教者不懋成不早
醫者不速起其道一也亦好奇之過歟書畫攷又載陸子

淵白雁詩卷後題嘉靖丁亥儼山人陸深試東坡藏研書
於三十六峰之卷懷堂有國史經筵官印朱記又夜燕詩
帖題四西齋試筆儼山老人 上海縣志黃標字良玉藏
書甚富繙閱無間寒暑陸深臨文有疑義必屬標攷核輯
古今說海一百四十二卷著書學異同二十二卷 又萬
曆間郡中藏書之富者王洪州圻施石屏大經宋幼清懋
澄俞仲濟汝楫四家爲最幼清尤多祕本及名人手鈔石
屏歿後子沛然復購益之其書目四冊高五寸許石屏有
收藏印章曰施氏獲閣藏書古人以借鬻爲不孝手澤猶
存子孫其永寶之 又秦鳳樓嘉楫手鈔書甚多嘗見吳
冢志三卷楷法學趙吳興宋幼清題其後曰此秦傳御手

書益先輩之倦倦於文獻者 昌熾案大經字天卿萬曆
十三年舉人仕至惠州通判獲閣疑有奪字

石川張氏崇古樓穎川陳氏至樂樓藏書充棟與汗牛足敵
懷煙顧孝柔 張寰允清 陳察原習 顧琨孝柔

蘇州府志張寰字允清正德辛巳進士通政使參議致仕
歸惟以圖史自娛人望之蕭然有神仙之氣 又陳察字
原習常熟人弘治十五年進士僉都御史巡撫南贛乞休
歸 又顧雲鴻字朗仲江陰繆昌期長洲文震孟皆嚴事
之曰朗仲我師也 海虞詩苑顧琨字孝柔朗仲先生子
也幼承家學錢宗伯爲之師所著寸灰集皆言情之作子
鈇字僧虔歲貢生昌熾案張溯伊莘庵有秋深過鳳邨有

懷顧丈僧虔詩書淫傳癖貧猶在禪榻口燈老更親則僧
虔亦好書也 天錄琳琅續編漢雋有石川張氏崇古樓
收藏印 式古堂書畫攷解禎期臨蘭亭序有張寰跋用
張氏允清石川世居朱記 鐵琴銅劍樓書目雪樓集卷
首有石川張氏崇古樓珍藏印 又道鄉集卷首有巨印
其文曰蘇州常熟虞山精舍至樂樓主人河南道御史陳
察原習之記 又舊唐書明刊本有記云借得錢遵王所
藏至樂樓鈔本校 又李文公集卷首有顧孝柔懷烟閣
讀書記朱記

文房遠在白雲間欲往從之不可攀但聽道有樵父說顧家
門外有青山 顧仁效 顧元慶大有

王文恪整陽山草堂記顧仁效結廬陽山之下棄去舉子
業獨好吟咏兼工繪事坐對陽山拄頰 搜句日不厭或起
作山水人物幽然自得人無知者 天祿琳琅資治通鑑
綱目明顧仁效藏本有靜學文房之印 鐵琴銅劍樓書
目春秋經傳集解宋刊本有彥先顧仁效二朱記 楹書
隅錄宋本禮部韻略每冊有南京兵馬指揮司副指揮關
防夾山人書畫印長洲顧仁效水東館攷藏圖籍私印各
印 函宋樓藏書志通鑑殘本有顧仁效水東館攷藏圖
籍之印 王穉登顧大有先生墓志顧元慶字大有吳之
長洲人家陽山大石下學者稱之曰大石先生 列朝詩
傳元慶家澣市兄弟多熾嗇治產山人獨以圖書自娛所

居曰顧家青山在大石左麓山中有勝蹟皆自爲之記名其堂曰夷白藏書萬卷擇其善本刻之署曰陽山顧氏文房王伯穀往訪之年七十五猶吟對不倦 俞仲蔚顧山人元慶大石山居詩曰髮無王事門當大石山雲霞棲棟裏歌賦向人間谷口聽琴至松根拾菌還客留唯茗椀日覺古心閒 士禮居藏書題跋記開元遺事陽山顧氏藏本顧名元慶在吳中爲藏書前輩 又宋刻本新序陽山顧大有所藏 平津館鑒藏書籍記元刻范文正遺跡有大石山人印吳郡顧元慶珍藏印 昌熾案元慶刊有文房小說四十二種又刻明朝四十家小說中瘞鶴銘攷卽元慶著又著山房清事一卷十友圖贊一卷茶譜一卷刻

人格致叢書雲林遺事一卷大石山房石友譜一卷夷白齋詩話一卷陽山新錄一卷刻入梓吳據王百穀墓志其所撰又有簷曝偶談一卷紫府奇言一卷雲拊新編三卷消暑珠一卷大石八景記一卷

家本靈威古洞天積書連屋突無烟彭殤雖亦關時命苦恨

應劉未永年 閻起山秀卿

文徵明閻起山墓志銘君喜積書見書必力購家惟一童日走從友人家借所未讀書手鈔口吟窮日夜不休所獲學俸盡費爲書資家甚貧或時不能炊至質衣以食而玩其書不忍棄竟以積勞得羸疾 又云閻之先臨江人國初以事徙隸蘇州衛父銍生君於洞庭山中因名起山而

字秀卿卒年二十四正德丁卯正月乙亥也 列朝詩傳
秀卿著述自二科志以外無傳

雅宜山人王履吉隆池山人彭孔嘉同是文門霞外客論古
更約周公瑕 王寵履吉 彭年孔嘉 周天球公瑕

文徵明王履吉墓志銘君於書無所不窺手寫經書皆一
再過少學於蔡羽先生居洞庭三年既而讀書石湖之上
二十年非歲時省侍不入城生宏治甲寅十一月八日卒
嘉靖癸巳四月三十日年四十 又云君諱寵字履仁後
更字履吉別號雅宜山人 列朝詩傳 寵兄守字履約舉
進士撫治鄖陽而履吉已前死死後數十年履吉名滿天
下人之猶知有履約者以履吉爲之弟也 蘇州府志寵

有越溪莊在石湖上中有采芝堂御風亭小隱閣 又彭
年字孔嘉父昉正德辛未進士年性穎異嗜讀書詩宗盛
唐旁及香山郢州精法書宗顏歐以貧死 又周天球字
公瑕大倉人年十六隨父徙吳從文徵明游善大小篆古
隸行楷一時豐碑大碣皆出其手 愛日精廬藏書志游
志續編有錢叔寶跋云辛酉九月望過孔嘉雲光閣見此
本袖歸錄之以爲齋中卧游之玩 士禮居藏書題跋記
和靖先生詩有彭年跋云此集爲匏庵相國所藏標題尙
公手跡也嘉靖戊申春禮部陸君購得之以遺余隆池山
樵彭年書於寒綠堂 式古堂書畫攷趙子固墨蘭圖有
羣玉山樵六止居士印 昌熾案湧喜齋藏宋刻雲齋廣

錄有王履吉印鍊研齋二未記又宋刻東觀餘論元本楊
子法言並有古吳王氏王履吉印與竺塢玉蘭堂翠竹齋
梅溪精舍五峯樵客文氏諸印雜廁不分當是雅宜遺書
身後盡歸竺塢余在菰里瞿氏所見兩家藏本亦如此也
湧喜潘氏又有宋刻淮海居士長短句明吳文定文壽承
周天球皆有藏印

爲問姚門雁里子草堂何處沒蕪蒿徵文自在梁溪畔兄弟
藏書秦汝操秦汴思宋 子柄汝操 柱汝立

天祿琳琅童溪王先生易傳劉日新宅鈔梓有錫山秦汴
次山秦子思宋少保秦端敏公仲子諸記秦汴字思宋無
錫人秦金仲子金字國聲宏治進士官刑部尚書諡端敏

鐵琴銅劍樓書目二妙集無名氏跋曰吾友顧仁效過
訪次山秦思宋執是爲贊嘉靖丙申寓繡石堂識 又續
談助五卷皇象山人姚洛跋云故友秀水令江陰徐君子
寅家藏子寅歿後其家人售於秦汝立氏汝立乃余門人
汝操之弟儲蓄甚富 又穆天子傳孱守老人跋云崇禎
巳卯借得錫山秦汝操繡石書堂本 又禪月集卷末有
秦柄圖書雁里草堂二朱記 昌熾案無錫縣志秦柱字
汝立金之孫工書師歐陽率更草學孫虔禮以薦授中書
舍人又貢生表萬曆五年有秦柄汝操當爲柄字余所見
秦氏藏書又有雁里子柄一印以是知雁里草堂爲秦氏
藏書處也猶憶修郡志時同年徐君愛樾問余雁里草堂

誰之宅也余偶失檢告以沈辨之與文徐君即據以纂入
第宅園林類而不知沈君藏書處名野竹家雁里自在梁
谿也附志於此以明余過且冀後之踵修者爲改正之

山居何有濟時心得一奇編一苦吟若識安愚遺守約豈知
笙磬本同音 柳僉大中 俞弁子容

全祖望柳氏水經校本跋柳大中名僉吳之隱君子也生
當武宗之世所校水經以宋槧手鈔改正錯簡如潁水篇
渠水篇隱水篇皆大有功也 讀書敏求記沈雲卿集二
卷吳門柳氏藏書柳君僉別號味茶居士摹寫宋本唐人
詩數十種今皆歸述古書庫中 士禮居題跋記錄異記
五代杜光庭所纂正德己卯三月吳門柳僉錄于桐涇別

墅之清遠樓述一章以紀之鈔書與讀書日日愛樓居窗
下滿池水萍閒卻餌魚時名隨巧拙天道已盈虛莫信村
居好山居樂有餘俞弁題云己卯首夏訪大中假錄原韻
奉謝生平酷好書僻性厭城居洗杓嘗鴟酒焚芸辟蠹魚
荷君函裏祕益我腹中虛好語田園輩辛勤廿載餘端陽
後二日長洲守約道人俞弁志何焯跋云余生三十五年
但知有安愚不知有守約今讀其詩二老風流可愛昌熾
案安愚亦大中別號 韶宋樓藏書志樂府古題要解二
卷柳氏跋云正德乙亥七月二十二日錄訖以詩寄興云
偶病不粒食鈔書二十番娛生無此癖守死亦爲冤把筆
頭欹帽衣繇酒罷樽時名付流水此外復何言布衣柳僉

又隨隱漫錄五卷有跋云從柳大中氏借歸錄畢口占
絕句以記之心愛奇編雨汗流山妻笑我不封侯偷閑八
日閑中寫一筆看來直到頭嘉靖丙戌秋守約居士俞弁
志 鐵琴銅劍樓書目刻溪詩話後有題云從柳大中假
錄丁丑六月十七日俞弁子容甫書於紫芝堂中

皇象山人姚舜咨石東居士以言詩黃門遺訓分明在有關
先當為補治 姚舜咨 唐詩以言

明詩綜小傳姚咨字舜咨無錫人有潛坤集 無錫縣志
華察傳有姚咨者字潛坤與察善多唱和之作 又箸述
類春秋名臣列傳姚咨撰 天一閣書目春秋五論一卷
宋溫陵呂大生述故編修王堯衢懋中家藏本隆慶改元

夏六月五日皇山樗老姚咨重錄 又漫堂隨筆一卷明

唐寅撰卷末跋云所載多元祐閒事雜以幽冥報應余祇
摘其涉於倫理者書之皇山人姚咨 士禮居題跋記續
談助三卷茶夢齋主人手鈔本真奇書也近得一貴耳錄
續又得一手跋之稽神錄筆跡皆與此同可稱三絕談助
卷二有一小印其文云顏氏家訓借人典籍皆須愛護先
有缺壞就為補治此亦士大夫百行之一也皇山人述
錢琴銅劍樓書目馬令南唐書嘉靖辛丑茶夢主人姚咨
從洛川張氏鈔本手錄葉心有茶夢齋鈔四字咨字舜咨
亦號皇象山人喜藏書值善本手自繕寫古雅可愛 又
志雅堂雜鈔跋友人石東居士唐以言詩鈔以遺余嘉靖

甲子秋七十翁姚咨識昌熾案士禮居所藏緯略亦有唐詩姓名明詩綜小傳唐詩字子言無錫人有石東山房彙爾宋樓藏書志廬陵九賢事實始末九卷姚氏跋題嘉靖辛酉夏四月下弦句吳後學姚咨識於鴻山華學士之西齋時微雨灑窗麥風薦爽快然就簡 昌熾案山人藏書印曰茶夢庵曰茶夢散人曰茶夢主人收藏士禮居藏小畜集有潛坤子印亦舜咨也

少年跌宕爲書忙晚歲牢騷歎下場付與豪家全不管譬餬蠶箔襯牛筐 顧起經玄緯 顧宸修遠

常州府志顧起經字長濟無錫人以國子生謁選授廣東鹽課副提舉弟起綸輯明諸家詩名國雅爲世所重 無

錫縣志起經更字玄緯榮僖公可學弟子爲可學後 又顧宸字修遠崇禎十二年鄉舉有盛名所至逢迎按迹筐篚縞紵踵於遠邇宸亦好書所藏甚富嘗輯宋文選刻之晚歲頽唐縹緲盡矣 池北偶談蜀鑑十卷姚咨跋云予得之羅浮外史顧玄緯玄緯得之兵侍鄞范東明翁翁又得之李中麓又云梁溪顧氏書至孝廉修遠宸尤富後歸吳中丞興祚 徵刻唐宋祕本書例錫山顧修遠宋版頗著聞一時然不免歸於豪家 昌熾案讀書敏求記考古圖十卷續考古圖五卷釋文一卷北宋鏤本予得之梁溪顧修遠洵縹囊異物也又愛日精廬藏書志昭忠逸詠陸勅先跋云斧季購得顧修遠家藏本據此則顧氏遺書流

入琴川者不少未必盡入延陵也

五嶽歸來憶昔游黃金散盡異書收莫言紫苑醫腸祕鹿甲

題名在虎邱

黃魯曾德之

省曾勉之

史臣紀載之

列朝詩傳黃省曾字勉之吳縣人弱冠與其兄魯曾散金購書覃精藝苑王新建講道於越參預講堂作會稽聞道錄湛元明振鐸成均則又學於元明名王湛兩家之學李獻吉以詩雄於河雒則又北面稱弟子有五岳山人集子姬水字淳父又黃魯曾字德之正德舉於鄉分宜聞其名欲招致之不能得也父授產千金悉以置書王文恪申鑒注序吾蘇黃勉之好蓄異書爲之訓釋多得荀悅之旨武古堂書畫攷趙文敏書畫冊黃姬水跋題丙寅上

曰定靈子黃姬水有姬水黃孟二朱記天祿琳瑯明板

追昔游詩集有黃印姬水積山二朱記昌熾案士禮居

題跋記畫鑿一卷嘉靖乙丑春二月十三日鹿甲居士史臣紀勘畢而宋樓所藏陶隱居集亦有史臣紀題字史君字載之見之穰梨館過眼錄其事蹟無攷惟虎邱山有其題名云隆慶戊辰冬平度崔旦吳邵黃姬水徐調元史臣紀來游憇此知其爲郡人且與淳父爲友也增記於此又案宋史載之以紫苑醫蔡京腸祕今傳有史載之方與鹿甲居士姓字偶同故詩辨之

藝菊一畦書滿架自言嗜好別無多如何結得清波恨幾欲投文告亞駝

袁翼飛卿

姑蘇名賢小紀袁翼字飛卿十歲能爲文稍長益事博綜
奇文祕苑日討尋不厭聞有異書輒奔走求之餅金懸購
至解衣爲質弗惜也正德丙子舉於鄉以母病不赴公車
晚益翫髒深藏不出讀書樹藝自娛而已闢小圃藝菊數
百本嘗曰吾於世萬事可捐惟積書藝菊不能忘情 姚
咨清波別志政予幼業舉子見同儕所讀者皆坊肆糟粕
之文心竊鄙之既長棄去幡然從事六籍聞風而售者日
至一人稱姑胥袁飛卿家奴肩一篋手一編迺清波別志
也其人視爲奇貨索價太高因持去三十年來求之弗得
今始得之貞山陸給事家前有雜志十二卷後別志三卷
比曩者爲全予喜而執筆曰鈔五葉積七十日訖事追惟

袁陸皆吳產也袁以規利陸以結義賢否之分如此宜其
顯晦壽夭亦殊塗云 讀書敏求記博雅十卷正德乙亥
支硎山人手跋云士人袁飛卿有此書求之半載童數十
往返始得繕錄微白金五十星乃去錢物可得書不可得
雖費當勿校耳

草堂寂寞面湖開林界山高老此才俯仰古今同一慨鄭俞
姓字亦蒿萊 朱良育叔英

蘇州府志選舉類吳縣貢生正德年有朱良育叔英又藝
文類朱良育草堂詩集十卷 百宋一廬賦注殘本迂齋
標注崇古文訣有一印文曰吳郡西崦朱未榮書畫印又
有叔榮西崦各一印吾郡明初之藏書者也予嘗欲搜訪

藏書家起元明之交終於所聞見各撰小傳合編一集然後如叔榮者不致有名氏翳如之歎此好古者之責也天一閣書目釋氏古詩一冊卷面一長圖書刻吳郡西崦朱淑英書畫印一方圖書刻山窩林界四字 楹書隅錄宋本誠齋易傳有鄭希聖題云鬻書客潘生所售置諸巴焦林中讀書處時至大二年龍在巳酉端陽日又朱叔英跋云希聖題字在至大巳酉距今二百八年矣予得之祝希哲希哲得之朱性甫性甫得之南園俞氏知其爲俞石澗先生家藏也追慕古人感慨係之正德十一年丙子有希聖印三家村芭蕉林中散人吳郡朱未英西崦草堂印各朱記 昌熾案張刻封氏聞見記有朱良育跋云昔友

人唐子畏見借特以不全爲恨近又于柳大中借鈔前五卷庶幾爲全書古書之難得如此富室子弟積書萬卷而不讀亦獨何心哉觀此則先生惜書之癖不減安愚且於唐祝諸公皆有苔岑之契也

江左清談擅籍咸選樓更繫五臣銜兩書已足沾來學九百

虞初大可芟

袁袞尙之

王世貞袁魯望墓志銘君祖鼎生四子曰表曰袞曰袞其最少者曰胥臺公袞與其伯父之子袞袞皆用文章顯名吳中時人目之曰汝南六俊胥臺公實生君名以尊尼而字之曰魯望 蘇州府志表字邦正臨江通判袞字尙之吳縣學生晚耕謝湖之上自號謝湖袞字與之太學生晚

築室桃花塢抱膝長吟於聲勢泊如也表字永之嘉靖乙酉舉鄉試第一明年成進士表字補之嘉靖戊戌進士表字紹之吳縣學生 昌熾案謝湖所刻有六臣本文選世說新語四十家小說後四十家小說廣四十家小說列朝詩傳之繫累試不利豈意汲古家有石磬齋蔡九達爲之記而宋樓藏書志傷寒總病論十卷有袁氏尙之未文方印王韻齋圖書朱文長印式古堂書畫考趙子固墨蘭圖袁褰題詩後有謝湖采碧亭研北閒情高山流水四印天祿琳瑯文選袁氏昌安堂珍藏有與之父鏡機子朱記豹房昨降五雲賤勅取新聲付管絃但恨生逢楊得意不禁老作李延年 徐霖子仁 黃琳美之 羅鳳印岡

開有益齋讀書志金陵收藏家徐霖髯仙黃琳蘊真羅鳳印岡謝少南與槐並著於時後多散佚惟印岡大守傳至其元孫燾字原溥與姚淵元白巖賓子寅俱精鑒賞 松江府志徐霖字子仁自號九峰道人人或呼爲髯仙 尤侗詠明史樂府徐髯仙一首自注徐霖在金陵築快園極游觀聲伎之樂武宗南巡臧賢薦入行宮應制詞曲扈從還京授官固辭 讀書敏求記隸釋二十七卷杜村先生手筆雲浦子盛時奉題於後古人於書率多手鈔相傳徐髯仙有宋槧本甚精妙後歸毛青城載還蜀中前輩好書風流洵可慕也 式古堂書畫攷米元暉五州圖有江表黃琳黃美之黃氏淮東書院圖籍朱記又鄒復雷春消息

圖有黃氏淮東書院圖籍印 千頃堂書目金陵羅氏書
目四卷羅鳳

家住冶城西復西筆蹤蒼潤似迂倪得書歲月從頭記留與
飛鴻證雪泥 盛時泰仲交

無聲書史盛時泰字仲交號雲浦金陵人王元美贈之詩
能令陸平原不敢賦三都 列朝詩傳仲交才氣橫逸善
畫水墨竹石居近西冶城家有小軒文徵仲題曰蒼潤以
仲交畫法倪迂沈啓南有筆蹤要是存蒼潤畫法還應入
有無之句也子敏耕字伯牛博學彊記諸生 香祖筆記
遜園居士言金陵盛仲交家多藏書前後副葉上必有字
或記書從何來或記他事往往盈幅皆有鈐印 開有益

齋讀書志元牘記者明上元盛仲交碑帖跋語也仲交有
蒼潤軒楊升庵爲之記維時姚汝循鳳麓司馬泰西虹黃
甲首卿李登如真朱之蕃元价黃居中明立俱以收藏名
潦倒書淫墨癖中滑稽世乃有人翁紫清舊宅歸來日元祐
圖書一旦空 豐坊存禮

列朝詩傳豐坊字存禮鄞縣人嘉靖進士除吏部主事以
吏議免官居吳中貧病以死張司馬時徹序其集曰片語
合意輒出肺肝相啗睚眦蒙瞶卽援戈矛相刺亦或譽嫖
母爲嬋妍斥蘭荃爲蕢荼知者以爲激詭不知者以爲窮
奇也 黃宗羲豐南禺別傳豐坊更名道生字人翁別號
南禺外史讀書注目而視瞳子嘗墮眶外半寸人有出其

左右不知也自考功遷謫失職而歸書淫墨癖無所不知亦遂目空今古滑稽玩世洗洋自恣而已全祖望天一閣藏書記豐氏爲清敏公之裔清敏之子安常安常子治監倉揚州死於金難治子誼官吏部以文名誼子有俊以講學與象山慈湖善有俊子雲昭雲昭子徐子昌傳並以學行爲時師表而雲昭羣從曰芑植皆有名蓋萬卷樓之儲實自元祐以來啓之自吏部以來遷居紹興其後至庚六遷居奉化庚子茂四遷居定海茂孫寅初明建文中官教諭寅初子慶瞻念先疇歸葬父於鄞城西大卿橋以南紫清觀紫清觀者宋豐尙書故園也以其餘治宅於是元祐以來之圖書由甬上而紹興而奉化而定海者復歸

甬上慶官河南布政子耘耘子熙官學士卽以諫大禮拜杖遣戍者也豐氏自清敏後代有聞人故其聚書之多亦莫與比迨熙子道生晚得心疾潦倒於書淫墨癖之中喪失其家殆盡而樓上之書凡宋槧與寫本爲門生輩竊去者幾十之六其後又遭大火所存無幾范侍郎欽素好藏書至是以其幸存之餘歸於是閣又云道生自以家有儲書故謬作河圖石本魯詩石本大學石本則以爲清敏得之祕府謬作朝鮮尙書日本尙書則以爲慶得之譯館貽笑儒林欺罔後學皆此萬卷書爲之厲也式古堂書畫攷豐南禺臨養生論有清敏公家發解出身南禺外史三朱記又跋後有四明人翁天官大夫三印又登瑞石

山詩帖有豐氏人季印

雲烟已逐邊劉散又自江南到濟南積劫微塵應悟徹本來
禪誦及瞿曇 李開先伯華

明詩綜小傳李開先字伯華章邱人嘉靖己丑進士除戶
部主事歷太常少卿提督四夷館罷歸有閒居集錢受之
云伯華罷歸治田產蓄聲伎徵歌度曲自詡馬東籬張小
山無以過也 靜志居詩話中麓最爲好事藏書之富甲
於齊東詩所云豈但三車富還過萬卷餘又云借鈔先館
閣博覽及瞿曇是也先時邊尚書華泉劉太常西橋亦好
收書邊家失火劉氏散佚無遺獨中麓所儲百餘年無恙
近徐尚書原一購得其半予嘗借觀籤帙必精研硃點勘

北方學者能得斯趣殆無多人也聞中麓後人尙餘殘書
數十部巡撫丹徒張公物色之中有陸農師禮象一篇張
公歿後訪之不能得矣 又跋山谷精華錄予與中麓爲
鄉里後進曾購其藏書目錄累年不可僅於京師慈仁寺
得小冊西漢文鑑朱印宛然後聞其書盡捆載歸崑山徐
司寇矣康熙戊寅司寇次子章仲爲工部郎中以宋槧本
山谷精華錄八卷見貽視其卷首卽中麓印記在焉此書
藏濟南李氏二百年而歸於江南又十餘年而後歸濟南
似亦有數焉 昌熾案翁覃溪題王文簡載書圖十部唐
籤未備觀精華山谷輯來難自注先生所見精華錄乃明
人僞本 讀書敏求記斧季從輦下還解裝出書二百餘

帙皆祕本也近代藏書家推章邱李氏金陵焦氏灰劫之餘未知金陵圖籍猶有存焉否今斧季所購乃中麓祕藏之物也何焯孟子音義跋孟子篇叙自世綵堂以下諸刻皆闕毛丈斧季爲東海司寇購得章邱李中麓少卿所藏北宋本乃有之

等是抽簪林下客買書有俸未爲憂三間老屋親傳寫惟有東吳顧可求


顧德育克承

蘇州府志顧祖辰字子武祖蘭宏治戊午鄉舉令樂安於潛二縣歸隱吳之臨頓里有地數弓竹木翳然結椽三楹署曰春潛隱蘭子德育家貧好學手錄幾數千卷祖辰襲祖父餘風老屋三間破榻竹几雖闐闐中寂若空山閒作

小詩及畫自娛而已

鐵琴銅劍樓書目石刻鋪叙義門

跋曰辛卯得顧可求家鈔本稍正數字顧名德育廉吏榮甫之子也又吳中舊事顧德育鈔本跋云隆慶改元丁卯四月安雅生顧德育記時年六十有五式古堂書畫攷周復卿小齋雅致圖顧德育跋有克承安雅堂二印



麻書二

三

